

紫峴山人全集

紫峴山人外集卷十

梅花夢裏製

從孫家栳編次

百美人詩

前百美人

香水溪頭宅

王昭君

燕脂漚上船

西施

避風鳴骨節

麗娟

試浴賜釵鈿

楊太真

一笑傾城豔

李夫人

三春舞草芊

虞姬

香從通體得

趙合德

態自不言傳

息夫人

合貯黃金屋

陳阿嬌

齊看白玉肩

甘后

硯應藏博士

甄后

襲亦號留仙

趙飛燕

桂魄新娥隱

張麗華

梅花小字妍

江來蘋

朝朝歌玉樹

孔貴人

步步出金蓮

潘玉兒

黛遠嬌橫岫

卓文君

脂清滑映川

杜秋娘

金絲雲幙護

薛瑤英

羅襪月弓纏

官娘

秀掠長眉嫵

吳絳仙

姿搖齟齬嚙

孫壽

纖腰剛貼地

孫荆王

素面正朝天

號國夫人

庭拜初三月

張夫人

琴知第二絃

蔡文姬

紅凝壺唾淚

薛靈芸

翠拭鬢垂蟬

莫瓊樹

口注櫻桃暈

樊素

頤搓紫粉圓

段巧笑

芙蓉藏帳密

飛鸞

琥珀助顏嬌

鄧夫人

兒畫愁猶惑

潘夫人

梳頭妬亦憐

李勢女

指環珍再約

玉簫

臂馬繫深眠

陰月華

梅額成妝巧

壽陽公主

桃苞染甲鮮

李玉英

珠量三斛得

綠珠

燈簇百枝燃

韓國夫人

妙舞誇羊侃

張靜婉

名山伴史遷

隨清娛

鳳簫吹共侶

弄玉

龍珮製能鐫

翔鳳

草就彤廷詔

上官婉兒

裁爲錦樣箋

薛濤

約深分鏡日

樂昌公主

寵及破瓜年

碧玉

出院期三五

紅綃

從軍路八千

木蘭

簪花書嫋嫋

李茂漪

香茗賦翩翩

鮑君徽

金石成全錄

李易安

宮詞撰百篇

花蓀夫人

搗煩靈藥杵

雲英

迎去太平錢

韋女

枕帶從郎索

丁六郎

丹青感壻旋

薛媛

圖迴機錦上

蘇若蘭

詠寫鏡臺前

楊容華

情以長條繫

章臺柳氏

媒因好句牽

韓夫人

歌來疑有雪

雪兒

望去或非煙

步非煙

解誦靈光賦

劉惔妾

兼操記室權

紅綫

渡頭郎擁檝

桃葉

陌上使停鞭

羅敷

內殿招涼撻

趙夫人

西廂待月娟

鶯鶯

聲聞帷喜障

甯王寵姬

淚掩扇羞舉

謝芳姿

蜂蜨隨衣繞

楚蓮香

驗貓戲麝連

瓊花公主

手提金縷出

小周后

身抱繡褙還

沂國夫人

麗白羞花見

花見羞

癡于露腕宣

真珠女寶

籠聽鸚武喚

霍小玉

茶問塞鴻煎

劉無雙

玉體橫檀撥

馮小憐

桃英代粉鉛

崔氏

寄真人在卷

崔徽

觸影鑑爲緣

紫竹

蘇合熏蘭室

盧莫愁

篴篴滿市廛

盧月華

橋依松栢樹

蘇小小

邨住素馨田

素馨

一賦高魁首

黃崇嘏

雙星好約聯

陳豐

樓中藏燕子

關盼盼

閨裏詠山鵲

潘妙五

梔子同心結

劉令嫺

文棠暗忿蠲

趙氏

恨絨桐葉外

任氏

詩乞柳枝邊

柳枝

囉噴思夫切

劉耒春

英雄俊眼先

紅拂

垂壇聊入道

魚元機

繡佛豈安禪

盧眉娘

後百美人

解唱春風曲

杜韋娘

能傳子夜歌

子夜

同心蓮子結

晁試鸞

霑臆柳花多

胡后容翠

槎定名平望

徐月英

坊應號善和

李端端

口香飄蕙葭

盧媚兒

眉史豔雙蛾

瑩姐

俊眼橫江翠

王幼玉

修峯掃黛螺

劉文鸞

綠雲鬟溼鞦

盈盈

膩玉頸圓搓

秀香

纖體輕輕裊

瓊瓊仙

金蓮步步那

陳淑女

芙蓉拳皓腕

長安崔女

桃頰映微渦

黎倩

綃袂梨花冶

張璧女

黃衫杏子拖

陳玉蘭

香搖新白藕

粉兒

影出小紅荷

荷花仙女

銅雁扶豐麗

衛芳華

笄珈詠委佗

宣姜

相邀天上女

成智瓊

妒煞月中娥

素娥

指約疆環贈

李氏子婦

箏彈鹿爪拏

陸太喜

鞦韆嬌影疾

達哥失里

鏡殿素肌摩

武媚娘

淚滴紅綃裏

灼灼

袍裁玉手呵

馬真妻

中心堅且像

張麗容

連理密成柯

賈蓬萊

少幻雞皮術

夏姬

香團鳳女窠

張憲妾

入筵招鶴馭

李月華

出帳脫鸞韉

柘枝女

裏祿生來豔

安樂公主

更衣幸在俄

衛子夫

邨亭隨學士

秦弱蘭

海上侍東坡

朝雲

玉軫籠猶貯

劉妙容

犀簪矢不磨

朱小姬葵

離魂追繡舫

倩女

入道問金佗

王昭儀

洞府迎青犬妙音

朱欄泛白鷺渭塘女子

席龍留趙旭青童君

釵鳳續興哥吳興哥

鵲會交頻續姚月華

駕燈記未訛李節度姬

楚江傾雅調穆素徽

遠水泛仙槎李秀蘭

瑠璃酬當月青溪小姑續齊諧記會稽趙文韶為東宮

有青衣婢前白王家娘子聞君歌聲遙相問耳須臾女
到年十八九容色可憐曰聞君歌聲故來相詣豈能為
一曲耶文韶即為歌草生盤石乃願謂婢子還取瑠璃
為扶持鼓之為女為酌雨三彈冷冷更增楚絕歌闕脫金
簪以贈文韶答以銀梳曰瑠璃也無仄韻唐人悼亡妓詩
會瑠璃音流蘇玉篇珠也承弼之謂見罪雪錄又容齋
隨筆琵琶字白樂天讀作入聲又先生贈阮見田詩青衫
本無淚休聽琵琶歌亦作入聲讀也齊書張融傳瑠璃
開瑠璃瑠璃練華則瑠
字先生作去聲讀矣

望侯怨渡河

霍麗王

傳箋通款曲

袁煙

寄簡慰風魔

紅娘

灑雪完琴瑟

賈雲華

瑤池戲戟戈

元駱姬

羊車留輦轂

潘淑妃

象戲訂絲蘿

賈羞花

樓畫蘭雙槩

薛氏二芳

門來雪一軻

呼文如

他本作雪一軻拭案軻字佩文韻府收入二十部無讀平音者當係軻字之訛

三星鉤月帶

陶心兒

一曲定風波

柔奴

絳雪仙丹餌

張雲容

春醪一呷醅

齊錦雲

青驄輸德楸

崔女郎

暖合贈無頗

廣利王女

牽以紅絲得

張嘉貞女

來知錦帳馱

陳嬌如

忽雷偏得遇

鄭中丞

方響那愁訶

沈翹翹

百寶箱沈水

杜十娘

千金馬起痾

順時秀

芳亭書旂旄

謝天香

小艇舞鬟裝

凝香兒

薄倖宜施棒

金玉奴

微噴或擲梭

謝家隣女

看花貽紫扇

娟娟

挾彈走金珂

薛素素

雞唱憐函枕

劉國容

鮫綃戀錦窩

史鳳

掌書宮獨坐

黃保儀

記曲豆親揆

張紅紅

詩派能教盛

蘇瓊仙

離騷喜熟哦

汜卜

憐才同柳咏

聶勝瓊

幽會誑花婆

謝素秋

簾擲胡桃帕

黃孫女

宮頰玉扇羅

慶奴

已知懷息念

譚意哥

其若斷腸何

孟才人

聯句天生聘

楊越溪女

投綃女是雌

韋氏女

資貽人俊傑

瑞卿

婿許髮髭

溫超超

合向君王覓

愛卿

蓬山知不遠

宋宮人

誰令御史過

紫雲

閨苑豈嵯峨

玉卮娘子

如泰

沃

男姪聲有普孫啓

豐宇校字

裕幹

光

紫峴山人外集卷十一

梅花夢寐製

從孫家棧編次

拾翠詞

南柯子

夜來香

作穗青鷹爪含苞白鳳胎
自扶纖條自移栽
早有一雙蛺蝶下蒼苔
露帶襦裳濕香和笑語催
縱教夜夜昵人來也
三更銀雪透鬢開

賀新涼

燕京有花名晚香玉未見入詩詞余館中列階前頗有致爲填二闕

誰孕靈苗種擢郊畦
玉河水灌玉田土壅
密葉柔莖含膩萼
擔入六街堆擁
渾不染軟紅塵塢
芍藥丁香都過了
分小齋給與羈人俸
對酒盞伴茶籠
夜來香說炎方共更

盤將素馨茉莉銀絲鬢孔便近桃笙珊枕看越顯雪肥粉
重笑簪向鬢邊不用莫等秋風憔悴了等菊花來伴青瑤
甕定結作曉雲夢

白版扉兜院蔭涼篷方盆圍盎閒階種遍小扇輕羅移步
下枯條插扶嫌軟更纖手甘泉親灌隔著蘆簾看已好排
瑤簪象鉅眉眉滿露帶浥風搖綻几前攜上燈前見裏
枝枝粉痕雲膩映如嬌面開到三更醒酒後透入紗幮幾
綫只少個昵香人倦三十六陂蓮總媚趁月明那得船兒
便爭似汝小窗伴

鵲橋仙

樹蘭

黃垂韎鞬丹攢金粟載滿珍珠船去眉蟾額粉一般新都

隱在湘簾深處。柔拖髻束。圓依釵扇。私語密將香度。莫教容易小蜂知。且倩了暖風黏住。

柳梢青

風蘭

鐵絡盤籠。玉芽交秀。酥土無功。多子榴依。宜男草對。懸在簾櫳。一枝曉綻芳叢。似欲語芳心未通。是報喜來。是催春至。請問東風。花不用土培以根盤鐵籠內遇風即開名春至蘭又名報喜蘭催春蘭粵人多惡之

臨江仙

帳中瓶梅

嫩蘂柔條多少。豔膽瓶小。插玲瓏。移來斗帳一燈紅。明偏憐素雪。香不漏。騎風應似綠毛么。鳳挂亭亭豔影輕籠。梨雲夢醒也。惺忪。額黃鈿。早褪肌粉釧微鬆。

鵲橋仙

隔舟見冬茉莉

遲開底事。爲人憐惜。映水含苞初綻。捲簾粉頰特呈來。便
轉過紗窗還見。紅羅珠帳。珊瑚凹枕。多少鬢雲撩亂。暖
心小樣劇憐他。莫折作釵頭雪串。

清平樂

新柳

腰肢恁好。已旁闌干裊。幾日一痕添樣早。染得鵝黃上了。
小眉態淺文殊。東風也費工夫。說向彩毫夫婿。淺深應
入時無。

點絳脣

粵中無柳。見珠江圓亭映水一株。嫣然有

一種鵝黃。珠江認出新眉嫵。含情欲舞。幾綫揉紅雨。舊
日腰肢。不耐炎風妒。鶯啼處。東風囑付。好把闌干護。

好事近 鳳仙

是好女兒花。應伴粉奩脂盒。飽蘸清秋玉露。點小桃酥頰。
曉妝自起。繞朱欄。把春纖新拍。染得紅鸚哥嘴。更籠來
銀甲。

帶人嬌

南塘產並頭蓮實一顆勻圓可愛

風漾文魚露凝玉蛹。最多情結成駢體。笑擎掌上。同拈鏡
裏。是舍利雙珠。定來圓美。蜀苴同心。嶧桐連理。也瑞氣
飛融。湘水醴湖。差似銅池堪比。待他年譜入彤廷。重登佳
史。

沁園春

水仙花

是耶非卽。立而望之。姍何來遲。看淩波徐步。翩翩羅襪。微

塵不動。嬾嬾纖袿芳吐蘭心。豔舒蓮萼。認取瀟湘阿嬌姿。
屏山護。映玉囊金盞。越顯柔肌。幽房曲室。尤宜配瑤石。
檀臺定武。盜便坐時也得。紅鴛錦襯。眠時也得。碧玉簪歌。
笑語生香。嬾娜颭影。百遍燈前。憐愛隨儘。品第梅兄。簪弟。
都讓芳規。

洞仙歌

詠油葱內子乞作

牆頭屋角。遍壞磁破。小刺青青似仙掌。看珠姑拗汁對
鏡。勻鬟羞相問。說出貧家妝樣。油葱葉如葱而厚。中有膏汁。貧家婦女用指破出塗
刷上拭髮以代膏鸞膏愁易臚。拾翠閣中。挑鬢淺深。手隨暢蟬
翼。掠鮮新香。澤雲濃勝北苑茶。油餅釀縱百福。奩中記新
添。渾不許吳姬膠燥變相。慈遇嶺則萎。北苑茶油膠燥變相俱用俱與錄中事

家拭案周禮考工記相膏疏今人頭髮
積有脂膏者則謂之臚臚亦黏也音職

照君怨題梅花箋

一自梅心綻藥直到梅陰成子多少事了又太虧他
不
是堂開玉照便與簷巡索笑直喚作梅妻未癡迷

曉江仙詠紗團扇

十二碧雲飛不盡裁成一片輕妍六銖衣薄畫
舒玉腕花裊彈香肩愛撲流螢嬌又怯亭亭卻立階前
芭蕉那合號天仙百年兒女月長在掌中圓

南漢劉鋹書
蘇氏圖芭蕉

白扇
子仙

一寸金詠香球

似渾儀球匝匝黃金縷梵字更未開箇箇中含蓓蕾初登

橘柚落殘蠟蒂機轉香篝細渾不羨九層誇麗玲瓏煞交
鳳屈虬便是丁緩漢宮製半月分開銀簪自拔顚顚挑
香穗比珊瑚鉤上燈懸玉蘂茶靡帳裏絳團茉莉惹遍鴛
央錦污不了翠茵珠被夜深時喚移傍枕函問香銷也未
西京雜記丁緩作九層臥褥香
鹽鏤爲奇禽怪獸自能運動

丁香結

詠袖香筒

巧鏤湘筠雙鏤粵梓花朵斜穿寸寸有龍涎糝粉纖條燃
蕤向嵌空插穩竹郎身瘦香嬈魂小一樣風韻摩挲玉手
汗透越顯翠浮紅潤輕俊入紫袖輕籠故把暗香徐溫
近郎前過渾疑何處撲來一陣閣向烏皮几上更篆痕爭
噴驗兜家心力試看煙絲彩暈

喝火令

詠小竹熏籠

細織斑斕紫，輕塗匝匝紅。茶蘼帳外襯玲瓏。不用趙家妃子象牙工。火撥溫磨活，香添甲煎濃。衣裳橫搭繡芙蓉。記得近前環珮響，丁東記得相偎倚處微送臉潮紅。

漢製熏籠以象牙爲之白樂天詩熏籠亂搭繡衣裳

柳梢青

詠小竹火籠

巧織疏篁，文斜體密，耀綠含芳。鳬藻微輕，見深太重，合占

蘭房。添來雞骨名香。篆裊裊湘裙暗藏。繡帶拖時，錦襖

閣處，仔細思量。

馮小憐足躡口見深梁沈氏竹火籠詩含芳出珠被羅綠接湘裙又謝朓詩體密用

宜通文斜性非曲

柳梢青

詠雲南棋子

王子圓搓長卿歸後暢好摩挲自展文楸靜凭几莫放
香猧思量恁如何占著處應舒翠蛾指印春慈臉生
紅暈還不輸麼

解連環

詠九連環

晚寒時節鬪春風一笑解下香結是玉手巧弄連環費眉
語辛勤眼波澄澈宛轉重重一似迴文錦纈憶桂錐立碎
鹵莽心情往事休說不爲愁腸九折在繡經聲倦刺絨
工歇借來半晌摩挲抵鬪葉簸錢多少頑劣妙手慧心沁
入梨花晴雪囁檀郎共將繫上說與解訣

推錢碎玉連環趙成后事

菩薩蠻

題罷簫圖

瑤簫吹了倚屏坐落花無語香肩鞦一半爲檀郎含情到

遠鄉。昨宵有錦信歸向深秋問待得入蘭房更吹雙鳳凰。

玉女搖仙珮

題繡張老移居圖

郎家何處笑指蒼蒼一帶白雲晴樹莫戀揚州二分明月
跨了蹇驢西去說甚移家具荷金鋤鴉嘴綃巾草履襯紅
顏寶鞭珠笠映著夕陽越添嬌嬈望王屋重重天上雕欄
人閒玉字拈來繡綫長午徑草山花點著更饒妍度無
價蛾眉有情玉案空笑聘錢韋女似檀奴詞賦同消受紙
閣蘆簾清趣抵多少寶幃貯秀香車鬪豔此閒疑否神仙
路商量且檢點蔬圃

多麗

題繡京兆畫眉圖

是當年京兆閨中遺事。早朝回。蝦鬚半捲。日暄銀網。初露
鬢雲濃。芙蓉勻罷。染碧螺。倩得夫婿小。借遠山。仍留斜月。
相看笑處。兩彎新翠。風流話上針神手。宛轉彩鸞配。還私
問。十眉圖手。能如此未。二十載。雕龍彩筆。粧臺長帶香
膩。勝當時。長安新樣。淡掃尖兒。更韶媚。倦倚鏡床。嬌拋黛
盒。嫁時風致。可猶是。試仔細。圖中眼底。較量渾無二。茜絨
唾。剪刀徐放。邀郎書字。

賀新郎

題虞山女子馬江香畫折枝牡丹便面應內人索

繡纈雲重襯。似借來沈香一捻。手脂朱暈。春去江南美人
老。蝶粉蜂黃未腿。爭憐取馬家私印。脫得黃筌小粉本。又
簪花字格。生來俊。渾不讓蘭陵渾。入君懷袖。彌親近。羨

人生占了天香，是天公情分，倚著新妝，凭肩看，一樣無雙。
翠鬢在門外，落紅成陣，好把金花箋子，句向合歡扇上，增
風韻，敲檀板，進新醞。

沁園春

詠香睡孟

軟錦團香，阿錫規圓，玫瑰鏤勻，在麒麟罽上，玉鴉斜擁，烏
皮几側，寶鴨同陳。文貝輕舒，丁香細捲，恰受盈盈一點春。
微醒後，借板榔紅暈，迸出朱唇。盛來星液雲津，也應化
溫泉半壁銀，怕無心拋落，紺花汚袖，隨風散後，珠玉成塵。
躲過郎情，倩他婢拾，更拭鮫綃小汗巾，應珍重，有一絲青
桂，護住精神。

化水

經注溫泉為神女睡所
化齊民要術桂一名止睡

沁園春

詠閨人吸煙

薰號金絲小撮雕盤徐燃翠筒正玉纖橫拍琉璃滑淨繡
囊飄繫瓔珞瓏璚白瓠犀銜櫻桃夢旋一縷香檀透錦幃
無言坐似梅花霧繞芍藥煙籠添來消遣園中任吸去
相思恨總空在香杭餐罷攜巡小院繡針停後斜倚熏籠
每到濃寒衝他微醉暖暈桃渦兩頰紅紺花唾喚侍兒掃
去莫汚屏風煙名金絲熏又名相思草

沁園春

詠昭君套

護嫩花頭休疊文綸宜籠紫貂恰犀梳壓罷秀鬢好覆翠
鈿安處玉押徐挑雲朶香濃月牙樣窄不礙雙雙金步搖
妝臺立任長鬢淺毳都襯嬌嬈丸官暖透心苗暈兩頰
芙蓉乍上潮到滇茶小撮偏宜雪映梅花別院不怕風刀

釵觀辟寒筵同送暖那是琵琶出塞遙誰圖畫把才郎鹿
幘同一雙描

沁園春

詠遮風巾

巧樣團樂文綺輕裁豐貂乍披似洛神肩上霞光一片巫
妃背後雲陣雙垂圍住尖風護來春色暖發螭蟬鳳玉姿
添嬌姹顯寶環朱暈繡傾訶梨鏡中對影安伊還倒印
圓水鬢後窺爲珠花盤就玲瓏未審玉牌釘與端正相宜
捉背無嫌比肩更好行處花枝裊裊隨聽私語把金針小
指捲起些兒

沁園春

詠美人兜

一抹蟬紗細熨紈巾巧籠指尖爲梅花黃瓣貼來恰現芙

蓉翠暈遮了微嫌燕子尾輕鸚哥嘴窄似挂彎彎半吐蟾
圓鈿印帶明珠寶瑟倍覺莊嚴妝成靜對水奩安端正
仍教小婢覘更髮憎酥膩輕將帕拭額妨玉滑小借膠黏
刺繡久低整釵微褪索鏡還扶一點尖唐和鈕問誰家新
式比得嬌嫩

有唐式鈕
式二種

沁園春

詠鞋

三寸紅羅巧繡雀幫平裁鳳頭把牡丹芽裏斜纏錦襪蓮
花瓣束明壓金繆綺帶拖垂湘褰拂下襯出彎彎月一鉤
纖纖樣愛不施響屐越顯風流珍珠簾下經由恰露出
鮮紅兩瓣柔更花陰小濕笑凭趁廳毬場微褪嬌倩徐兜
端正迴看摩挲抄自愛郎膝橫陳眼色勾還私諺有香痕曲

印尙在肩留

沁園春

詠滿妝美人鞋

素萼豐蓮，休翦弓鞵，宜籠繡韉。正四時鮮樣，滿盤金縷，九雲巧式，密壓珠花。香末藏幫，雪綾削底，襪現平頭錦綉鴉。瑤階步，更嬌傭無力，環珮拖斜。曉來錯被郎拿，私量取，依然窄半。揆便兜時，也得緊鉤玉鐙，取時也得醉鞦鴛紗。文弱平鋪，貂裯暗覆，盤在青幘小鈿車。猩紅膩，向蹙金袍底，露出些些。

浣溪紗

詠睡鞋

剗襪行來步步斜，休教蹙損牡丹芽。紅幫裁就月弓遮，好把蘭跗深護着，不令蓮瓣放鬆些。倒提金縷笑虧他。

壓繡明金費幾絲茜紅蘋綠總相宜揚州底事夾香奇
新樣換來三兩遍一回更瘦一分兒用心全在殢郎時
掌上擎來玩更鮮幫兒包半底兒圓那教郎褪作舢船
甚意鉤來駕被角有時尋在枕函邊可將香印小留肩
小帶中拴露半鉤本來窄窄是風流越輕越暖越嬌柔
催喚懶時嫌婢促縱歡褪了倩郎兒許多情態在衾裯
雲一窩藏玉一梭暖香飛出襪兒羅熏籠斜倚睡情多
嬌處幾番頻審顧狂來千遍與摩抄鳳尖含濕笑如何
厭是桃笙喜綠熊怕教摩破繡芙蓉惜他更把鞞鞢籠
脫去分明藏襦底不知偷匿在懷中向郎索取臉潮紅

金鳳鉤

詠蒲幃

花紋細香蒲軟輕不礙淺波步轉漪縠水濺踏莎泥潤巧
護雀兒幫淺刺絨膝上橫陳便偏露出朱鸞一綫護王
巷裏秦娘門首猛記那年曾見

金鳳鉤

詠睡鞋

輕羅軟銷金薄新月樣小藏蓮萼燈前倦眼帳邊惺意小
襪換時斜纏夜深綰在芙蓉褥似曾倩檀郎兜著起尋
不見知他藏匿做盡微嗔笑索

鵲橋仙

詠高底卽古屨也

楚楠裁片吳綾褰玉小襯淺波微步分明響已上梯枕何
事被行雲勾住梅花淺印檀香留粉不逐東風飛去綃
褰背後早銷魂那得見鴛尖雙露

好事近

詠素馨花甲

原是美人魂。合與妝臺相近。盤就銀絲一串。把綢雲環襯。紅蕤枕畔小珠圓。殘夢和嬌褪。報道金釵溜也。問幾更時分。

太常引

詠領巾

吳綾白雪滑如脂。輕裁一幅垂。不用染花枝。好乞寫檀郎小詞。蟾蜍玉護。訶梨繡隱。分外出嬌姿。鏡裏比肩窺正。簾外綃梅落時。

海棠春

詠鸚武叙

翠襟不受雕籠幃。又飛住玉人頭上。名是戴蟬兒。合向雲鬢傍。雪衣嬌小。聰明相。喜舊日鏡臺無恙。遮莫欲言時。

一縷香絲颺

鵲武自呼鵲鵲兒見幽怪錄黃妃名

玉團兒

武爲雪衣娘飛立鏡臺見明皇雜錄

吳棉小糝芙蓉透映水奩明金壓繡寶盞開香執巾解翠
圓冰擎袖梨渦徐拭酥紅瘦更玉纖輕輕勻就小浴銷
時啼痕界處午眠褪後

催雪

詠手爐

翦絮風醺疊鱗雲厚畫閣低垂簾押有鳬藻含芳紅獅淺
納恰恰貂袖輕籠問檀郎可也愁寒怯任相偎處雕龍手
把描鸞手壓曉閣粧纔匝便提傍屏山撚來糝几更細
撥銀釵微添香甲怕理繡絨指凍又耐坐綠熊深榻微
熱後走弄梅花自把膽瓶審插

儻雪

詠足爐

貂茸護額鸞帶纏腰生怕箭兜風大算只合榻前重爐閒
坐底事急喚侍兒啟銅籠暗打瑤聲墮爲摘梅花牡丹鞵
濕更添獸火新式嘉興縣鬪漢官簫局蚰枝鳳朶越襯
出錦裙婀娜日晚茜紅絨上盤女字且將錢小鍍倩提去
薰著衾池細試海南香顆

五綵結同心

題友人膝前雙玉屬

翠眉濯濯頭玉礲礲面顰桃花汁後繞膝拜嬌正初整絳
裳羅袖丸髻摩挲更無別河東長幼試徵翦水瞳人秀他
年三鳳齊簪從茲佳祥鵬奏恰符了一索得男時候長
春花更發珊瑚舞著蠟珠戲繡圖懸綺閣香濃處問此日

新蟬盡否且安排玉環竹馬嬌雪看娛清晝

木蘭花慢

別思

人生離別事但無淚更傷心看碾恨車輪織愁帆席料也
難禁遙岑猿聲今夕是何人夢帶遠懷尋莫展翠翹珠劍
也憐孤館寒衾蕭森一望逐歸禽那得有回音自屏閒
捉繡燈前弛襪記到而今沈吟今番拚了斷腸付與海波
深只有東風簾子任他垂在花陰

瑤花

卽事

芳心付與頻立書臺倩親抄曲譜波光粉氣渾不隔問字
密勾蓮步原非顧誤借親近幾回笑語忽驚聽堂上呼聲
袖得佯佯走去珊瑚枕畔同窺夾繡本絨包伴映眉嫵

移燈私看料背了女伴玉纖摩撫一行行字認郎手墨痕
催汚只嫁後錦笥珠奩知汝深藏何處

蕭郎到偶聲隔華堂知他能認否嫣然特地褰簾出露了
腮桃眉柳趁閒難得渾不管妝成未看笑提舊搵香雲
猶掠犀梳在手寒暄道罷吞聲知無分淹留珠淚各扭
尋思往事便千金一刻感伊禁受下階回首料步步歸房
懶走只朝陽是我魂兒印在繡羅襦後

臺城路

上元

金吾不下歲華鎖鈿車往來簾卷火樹飛花星橋溢路恰
映玉人嬌面粉郎爲伴渾不避遊驄頻頻窺見擊鼓鉦鼓
祇愁溜卻鳳釵串更闌急促回轉認版扉烏巷香語猶

願扶臂兜鞵下階整鬢早覺秋波微倦移燈小院對月彩
團圓深杯交勸又笑早歸看西街未遍

木蘭花慢

卽事

紙窗晴日暖正同罷早餐時髻几深盤綺裯密接看製文
綦履箱親啟畫繡幫展轉費柔荑紫綫徐牽波溜剪刀斜
放眉低衰威小妹儘教窺悄語更遲遲正雪猧眠靜茶
煙細裊簾影輕移嚼絨笑睡柔魂倦態露向腰肢只道釧
聲響也不知墜下針兒

昭君怨

月夜

避了戲筵潛赴花影迴廊月嫩恰轉小屏山見雲鬟隱
在簾衣隈語半喜半愁半妒忽地一番驚響風箏

男
姪
聲有普孫啓
如泰
沃
裕幹
光
宇豐
校字

紫峴山人外集卷十二

梅花夢寐製

從孫家棧編次

雪鴻綺語

洞仙歌

以下擬靜志居琴趣二十四闕

青鸞消息竟全無憑准。一紙私書寄誰穩。怕飄殘弱水隔斷蓬山。枉費了夢向天涯尋盡。縱然心緒惡。賦感甄成洛浦神。姬悵誰問。怎不記當年。皓齒朱脣。別有箇微波流引。已自拔金釵卜神祠。拜私語。喁喁祝催歸信。

紅絲繾綣。報錦帆飛至。急整曉妝促興舁。又兜鞋小立。顧影生疑。別離久。猜不穩箇儂心事。枇杷花下住。跋履來迎。濃笑相看露深意。道罷了。勝常心。許目成。依舊是柔魂。

交遞笑薄倖揚州舊司勳忍梅子成陰一朝拋棄

蕭郎歸也剩鬢絲禪榻獨守孤燈興衰颯忽幃藏奇暖褥
轉濃香細認是舊日膩肌柔唇紅牆原不隔日影徐行
容易流雲度巫峽急與卸蓉衫渴鳳鰥魚應飽潤瓊漿稠
疊愛所事頻詢慙如何只恰恰惺惺朦朧回答

如雲如夢倏迷離一片髮澤肌香互撩亂到柔聲曼衍豔
意粘連把不定猶似初逢驚顫鳳蕉軒裏事托大些兒
紅繡花幫被窺見良會夜迢迢小立回身那更聽汝南雞
喚已許我勾留好連旬儘蜜味蔗甘從容探遍
床交丁字喜竊香人近刻襪來投百般順已腕蘭雙脫椒
鈕全鬆制不住懷擁一堆頰鬢爲誰消瘦了如束腰圍

抱玉挨瓊囑徐認半爲酷相思半爲長貧細訴處紅珠潛
搵也慰藉按莎一番勤催畫鼓頻敲明膏將燼

使君無婦感相憐獨來往鴛鴦伴栖宿把隔年司馬前
度劉郎看承熱便算天從人欲當年慚力弱不嫁羅敷
早把阿嬌貯金屋今縱感恩深倏斷還連也難久暖香偎
玉只差勝星姬隔銀河限一歲秋期鵲橋重續

十三年紀入飯牛圖卷穉玉精珠異姿擅若宜春綰髻夢
雨搖釵也便似此日妝臺相見比肩偕展對更莫嫌癡
互把真真幾回喚思與倩良工另貌崔徽恰添箇畫眉人
件好置向齋帷枕函邊儘共起同眠擁伊嬌面

猜他潛鬢向風塵凋了不識春情賸多少怎疏狂杜牧瀟

灑何郎。渾未改稱意。才人丰調。曉妝同攬鏡。亂服粗頭。
自愧謝娘也。將老。美媛在中年。濃態豐神。便蛾絲對餐。堪
飽。但牢把三生誓。盟堅似白玉連環。缺些還好。
小姑居處。豈竟無郎者。繡閣養嬌出。姚冶早鵝黃。學畫螺
黛。勻挑入書室。問字乞箋都雅。靈犀何事觸。假作莊規。
流示橫波硯屏。寫卻是定情箋。密許輕兜。從此墮愛迷途。
也試舊事。詢來僥倖多。又匿笑佯羞。春纖輕打。
擁衾支病。忽停車將別。急拭頰鬟。促羅襖。忍偷攜素手。流
送星眸。攔珠淚。欲語香喉。還咽。挽留無分了。有夢相隨。
挂在春江小帆葉。強送下青階。不盡柔情。又飛作窗紗微
熱。只囑取風霜。慎身軀。待歸向深帷。衷腸濃說。

誰伸靈鏡把舊恩新寵照定銷魂熱情種况兩箇尖玉雙
顆丁香甚奇福領受者般承奉自從分散後蕩子狂夫
歷盡波濤幾驚恐若肯促歸程滿榭紅雲盡占盡珠圍翠
擁已往事從頭試追思便一刻千金也須珍重

花纔幾日囑東風畱住莫被啼鶯兒將去縱斜簪旬葉強
曳羅衫還直恁無語下階回覷天公應雨憫驟雨滂沱
怎不淩波轉微步阿母檢衣包笑指眠弓尙遺在繡裯深
處囑去後枕窩髮膏除又誰料今宵更增新污

芳姿二八從香輿游覽繡鬢綺裳歷軒檻見耳垂朱暈腮
蘸紅潮行立處都是大家風範名花擎拜佛蜂蝶喚隨
脫帽著綃問誰敢只有聽歌時一縷香心偏觸著才郎交

感更莫悔尋春到今遲但懷擁飛瓊珍同昌歆

華堂聽劇隔湘簾遙坐女伴叢中好梳裹在屏風西角燈

檠東頭特颺出玉魴春蘭新朶二更寒料峭爲倩雛鬟

添著溫磨送鑪火微笑已心知歌曲將闌料斗帳文茵停

妥愛倦後歸房最瞢騰急拋卻釵鈿香雲斜驛

借他飛燕渡銀塘穀水銜得楊花入窠裏悵隨風飄散久

落他家今日箇仍戀主人巢壘生來原比翼入幕穿簾

熟識蘭房伴栖止軟語細商量那得新雛好共辨芹泥香

觜只莫做禪心絮沾泥負十斛明珠芙蓉蓮子

芳姿出眾逐小園流眄不是踏青與挑菜看素肩廣額秀

鬢明眸淡妝束越顯矜莊嬌態蒼苔愁徑滑穩蹴丹鞵

印兩纖弓跡猶隘驚顛欲牽扶翻咎檀郎莫露向旁人私
怪有一陣東風劇憐他早急繫綦巾小持羅帶

曲房遂閣偏尖風穿牖恒膽羸軀怎生受把絲熊裯護文
綺裘加也算得小作溫存將就心苗奇熱透還惜檀奴
久立寒宵二更候暢好暖衾窩交玉黏香作一霎濃雲盈
岫只半扇屏山隔無多且方便催歸漏聲殘後

錦筵樺燭捧瑤觴稱壽特露紅酥兩纖手帶星眸潑豔眉
翠飄揚若緩飲辜負風情知否酬他聯膝坐強進雞缸
漸見丹潮上腮後眾裏也支持關意私窺態盡露腰慵柔
柳況今夜月華上窗無休擔攔深更遙山銜斗

謝伊芳躅行城陰纖路深巷迴塘翠交樹喜聞聲出闌攜

袂登階曉妝了添多少風姿妍嫋。香茶親捧送笑語溫
和姊妹尊行感同覩要誇示隣人濟楚冠裳增炫耀華門
蓬戶悄隔幔囑囑露私言已暗約幽期來宵相赴
期當七夕望與緣蓉泚畱住一旬也知伴許同行並坐勿
避形蹤翻蓮袂不下流蘇紗幔素肌新出浴涼貼桃笙
胸菽臂珠滑無汗皓魄儘潛窺纖瑩全無一種種搓挪徐
玩已穩占溫柔老仙鄉語此後鴛央休愁驚散
停車探病喜深房鱸膾半臂偎迎立門店悄纖弓竊踢素
指私拿風小急爲把簾兒徐掩許儂同密坐昵語移時
細認幾分瘦桃臉落葉驟驚人催促郎行又衣桁中閒身
閃也囑取微瘥具與迎博一笑嫣然將頭頻點

歸雲散峽，算宵深分寢。起護裙衩耐寒凜。已釵橫鬢亂，有甚餘姿，偎膝上著意端詳。由恁瓶梅香萼吐，作弄銀燈。搖影欹斜，玉蕤枕遮莫渴相如。未了更籌，還戀著砑羅文錦，說小婢窺知，儘無妨做獸炭挑紅，同擎茗飲。

玉縷金帶，沒洛妃畱贈舊枕芙蓉伴孤另。怎梅花紙帳蘆絮綈衾，到歸後都襯鴛央交頸。新成思檢譜料理米鹽十指如錐，繡難稱只好瀆歡濃口澤唇香點點引夢中佳境。把少日唾絨擲窗前，更一笑回思都成僥倖。

莫愁出嫁，豈堂高白玉生得阿侯也粗俗。詎東家夫婿另有王昌，不辜負十五盈盈曼睩。風波經過盡牢縛情關不悔參差侶，張角但做比肩人。一朵青蓮似秋水濯來泥。

濁更好乞風流錦詞仙補洪氏侍兒小名香錄

蝶戀花

綺席別開催到久爲甚逡巡耐立纖腰柳女伴牽來親勸
酒已教偷捉紅酥手何用防他樊嬈口豔意人前合爲
郎禁受辭過雞缸應識否催儂斜月三更後

蝶戀花

人在城南料理久急促柴車恰是籠燈候鹿脯蟹胥親擘
就殷勤今夕爲郎壽並倚妝臺雙勸酒無限嬌情露在
紅酥手笑語漸闌眉倦柳溫柔香裏濃雲厚

蝶戀花

縱則需知防則甚已許多時穩占紅蕤枕膝上梳頭懷裏

飲鹽邊捉繡燈前寢。雪壓六街寒凜凜。暖玉溫香休負。
鴛衾錦都。把比肩人說品。鸞鏡笑奪狂由恁。

蝶戀花

欲去聽歌郎已返。怎忍拋他。羅帳眠無伴。攜手重門深下。
鍵月華私映。桃腮滿。捉臂並肩情款款。不卸濃蟬涼貼。
桃笙轉密話。備長更恨短。梳頭時節身猶懶。

浣溪沙

寵占專房怙亦宜。千般依順百般隨。行眠坐立看嬌姿。
恩到深時方出妬。愛從嗔後卻成癡。此中滋味只郎知。

浣溪沙

容易銀河渡小橋。睡輕未換帶斜撩。宿鬟零粉上妖嬈。

窗影似雲還似霧，臉波疑雨復疑潮。丹忱一晌也魂銷。

浣溪沙

牆角門兒手暗招。浴盆新出露全嬌。挨香抱玉已魂銷。
隙月窺窗狂底事，輕風襲袂妒無聊。許多時候露弓躑。
浣溪紗

繡閣深深絳蠟燒。雲鬟半亸臉生潮。鶯聲嚦嚦笑呼么。
赤釧慢籠蘭腕膩。寶環輕觸玉纖嬌。粉香衣氣已魂銷。

西江月

窗隙暗窺小月，簷牙笑落嬌風。香情盪越翠幃中。那覺鬢
垂釵重。幾度思量，僥倖一番料理，惺忪歸來不肯著丹
襦。只是徘徊教擁。

菩薩蠻

小名合是梁孫壽輩行
恰在秦姨後歡際祇親呼
聲聲應也無身同碧玉嫁
眉倩檀郎畫難負此良宵
團香昵阿嬌

菩薩蠻

低幃正隔紗窗颭銅扉
恰對雕欄掩驀地綺幙開
無聲剗襪來玉肌新浴滑
雲顚花香發昵語有餘妍
教郎恣意憐

紅娘子

善卸雲猶膩襪弛弓還細
暖玉偎深酥香擁熟柔聲
聒昵聽半憐半慰半教貪
一椿椿都記路入支機易
夢上巫

峯醉燈摘藥兒花交彩勝篆成壽字儘高樓鐘打四更殘
有小門深閉

紅娘子

著意防巡邏悄語嚴傳播犯險事兒戀甜口味與郎擔荷
祇盈盈一點穉嬌心怎禁當挫磨打疊餘脂澆收拾停
鬟墮也爲尋書也煩滌硯做些清課便尋常長到這書齋
且分頭遙坐

行香子

悄悄珠簾薄薄紗幮恰初驚宿夢厭厭初陽一綫映下高
簷見臉窩圓蘭胸膩鵲鞦尖匆遽無嫌宛轉頻纖印頰
雲已濕冰奩梳頭時節不耐淹淹也促郎行擁郎坐話郎

行香子

纔下文茵懶整衣巾倚妝臺不肯回身嬌知將就恚作酸
辛添一番憐一番寵一番親漸展眉顰漸啓朱唇索秋
波猶自逡巡知嫌李代知占梅春問爲誰嬌爲誰妬爲誰
嗔

行香子

病臥兼旬體瘦多分沒沾黏更可憐人茶湯著意藥餌時
勤拚受他嫌受他怨受他嗔漸長精神漸轉腰身百忙
來稍感溫存許撩亂鬢倩整文茵輸一番嬌一番媚一番
親

更漏子

影蘇蘇。弓窄窄。暖玉一團嬌。滴眉抹翠鬢拖酥。橫波笑欲無。媚中歡。憐際約。那用飛來青雀紅荳蔻。紫丁香銷魂。是此鄉。

轉應曲

匆遽匆遽。已被遊蜂窺去。心兒安穩些些。轉過欄干見他。他見他。見猶帶抹離一串。

轉應曲

嬌顫嬌顫。憐取輕腰飛燕。枕邊茉莉花拋插。鬢還將影搖。搖影搖。影褪卻。訶梨半傾。

憶少年

不是愁時那知愁味愁新上了添些子嗔妒越看伊越好
怕郎別去望郎來又嫌遲又防太早弄嬌癡身分有誰
人教道

四和香

纔欲回身情已泄難制秋波瞥潮上新渦雲盤穉髮是萱
蔻胎時節坐久翻嫌褰襪結起背人私說剗襪下來香
已滅且避過當窗月

臨江仙

門外雪深風又大便郎欲去無由宵宵宜主被同投酒釵
嫌妹拾墜髮倩娘收自是蕉漿滋味熟滿懷燕玉溫柔
記他穉頰與明眸挑鑪扶換屨擁幔看梳頭

洞仙歌

生辰今夕早出來因恁秋滿瑤池祝仙品正星娥初嫁月
姊深藏晚香玉開近鴛央綾枕珊瑚雙釧赤鐫就偏名
纖指燈前喜詳審囑緩勸金樽薄薄紅潮已上了梨渦酥
沁且同拜佛龕前聽私語喁喁知他禱甚

瑤花

惟深幄翠逗一綫梅花屈戌深閉卸釵弛襪都過了祇有
柔魂飛遞枕邊低昵偏訴出幾般情事恨無端城角嚴鐘
敲散梨雲香膩自從月子初弦數三五團圓眉黛相對
明朝車響儘兩下商量勾畱無計也應聽去料青鳥憐伊
又至問幾曾拋隔多時辜負軟羅鴛被

瑤花

潛來帶暝甚。窗外寒宵。弓鞦費盡。索我硯屏。親寫滿半姑
半尤半忿。紙團自擦。又微笑。喁喁詰問。知非索垢尋癡。且
看拔釵拭鬢。分明別有香心。早露在眉梢。教郎私認。險
挑一試。渾不惱。只弄嬌癡身分。奈何人久。纔移贈。定情箋
穩。歸房時。低囑回身。乞爲隄防嚴慎。

釵頭鳳

鼓聲驟。霜華厚。銅屏親啓佯佯走。燈猶在。羈猶戴。央地不
語。催他不睡。背背背。深盟咒。非虛謬。身兒漸轉心憐宥。
潛舒黛。低鬆髻。爲收釵朶。爲除褰帶。耐耐耐。

釵頭鳳

香鬟著弓鞵索暗中知己金釵落狂須檢呼還掩帷鉤偏
響簷風又颭險險險顏香掠歸雲弱催郎出去還停度
防燈焰偎門居手兒潛掣頭兒又點閃閃閃
綳簾口招纖手隨他小影緣階走屏山黑檀臺窄丁香認
暖芙蓉知摘得得得膏騰愛支持久昵人猶倩扶腰柳
紗窗隔聞刀尺娘行又醒阿侯又覓嚇嚇嚇

釵頭鳳

木蘭尾沙棠裏月華靜漾涼如水螺垂鬢梨渦暈欲輸還
怯欲呼又忍引引引春纖指秋波委箇中情事分明是
蓬窗近綳簾隱漸通私語漸寬身分穩穩穩
迷離狀徘徊樣將郎倩得心難放眉剛翠鬟低鳳舫堂聽

借琴床移至是是是。關門望全身向懷兒未近魂先漾。
蓮房蒂丁香味通靈笑語定情風致試試試。

釵頭鳳

三生事連宵意教人凝望癡癡地衣收影簾回頸玉纖摘
笑香弓捉省肯肯肯。知收鬚還舒被回身悄語愁郎恣
更猶永燈還烟娘行未睡哥兒又醒等等等。

釵頭鳳

頻頻慣番番換熟知柳束和蓮瓣憐交贈貪催勝蟹將糖
躁驚含桃罄稱稱稱。釵梁亂鬟窩散蘭胸暖滴芙蓉汗
神仙境姮娥証小名低喚嬌聲無定應應應。
苦黃蘗甜岩蜜風波感耐愁憐歷盟言厚歡場驟皺眉舒

蘇媚波橫秀，又又又，膠和漆，天將日，深深偎昵低低說，丁香揉，文棠透險，因驕恣，狂憑厮擣，受受受。

釵頭鳳

舊情種，新恩寵，潛來便與鴛衾擁，桃腮貼，蘭胸接，香肩低，亞繡幫，徐撻恹恹恹，無驚恐，多承奉，羸軀，但計宵寒重，熊茵疊，羔裘襲，歸雲雖斂，明膏猶爇，怯怯怯。

釵頭鳳

銅屏葉，紗幮褶，分明有箇人，輕躡低低髻，彎彎臂，腰兒半，捻襖兒，半揅是是是，歡情洽，恩稠疊，銀河有約，年年涉，脂香試，檀腮膩，梅纔破萼，瓜猶含字，記記記。

少年游

琉璃簾子碧紗幮。往事未模糊。拾翠歸遲，尋春去杳，恨與
淚痕俱。如今兒女成行後，相見感相呼。寫曲紅箋，題詩
畫扇，猶在篋中無。

少年游

銀缸斜背換弓鞋。悄立把門闌。簷馬丁東，鰕魚格磔，喜捉
上蘭階。殘螺倩挽整金釵。猶自殢郎懷。鑪暖衾池，香薰
腰褥，知已早安排。

少年游

輕籠繡髻壓珠鈿。忽地出新妍。羅襪微拖，弓鞋小褪，恰恰
過郎前。低身兒穩似邀憐。斜倚忽遷延。梨頰生渦，星眸
送豔，已示定情箋。

清平樂

舊懷多少二十餘年了。春去鶯聲差未老。隔柳聽來總好。後園私語防窺。兜鞵囑慎苔皮。合把長竿濶袋。與他親撲桃兒。

清平樂

雪肥玉膩。豔粉飄香細。一段濃雲垂不起。時潛鏐金釵子。原來覲面天涯。夢魂也逐楊花。送盡潛勾鵲背。燈偷招蘭芽。

柳梢青

梳裏隨時橫看。側視總是相宜。坐已回香。行還顧影。怎不憐伊。人前稍自支持。爭禁得生來媚姿。細膩風光。微茫

心緒只有郎知

柳梢青

生長蘭房。趨承繡閣。見也尋常。猛觸心頭。旋兜眼底。怎得
禁當。縱然淡淡梳妝。出落得柔神膩香。高傲性情。嬌憨
身分。拚費商量。

病起清癯。移家難緩。只合登輿。恒膽移弓。慵腰顧影。驚欲
牽扶。勸他半臂長裾。且護著寒風襲軀。緩揭犀簾。徐提
虬局。差許憐渠。

眼兒媚

銅街西轉。便迷離。屐響已先知。綠楊扉裏。槐花窗下。小影
人兒。依然前日。退紅衣。軟語許多時。忍耐工夫。嬌憨性

格占盡便宜

眼兒媚

弓弓小點弱雲輕，熟趁小階行。屏山兩曲，角門一扇，望去分明。多般尤殢，太癡生厭，聽曉雞聲。來時月影歸時，星影總是多情。

鷓鴣天

未入懷中已透香。蘇蘇昵昵盡柔腸。愛從小急盤歡，久狂到無言顫味長。眉褪翠，額消黃。倦容弱態好參詳。睡情已上星眸澹，付與迷離月半床。

象格驚紗綠幾重。蘭湯初瀉霧朦朧。暗除了鳥嫌簪滑，斜顫珠蜓怯髻鬆。喘未定，態還慵。玉團粉頸雪團胸。倚盤

纔挽青絲了，茉莉圈邊拾繡弓。

畱春令

羅幃捉臂，屏山把麝，歡期蒙許。好趁酴醾欲開時，著一陣、新香雨。添上妝臺脂粉簿，說與伊詩句。一搦平鋪小門兒，碍不了、淩波步。

滿庭芳

車響知停，屐聲識慣，急兜鳳背朱鞋。先教郎認笑語，下蘭階。親與挑開屈戌，回整鬢，斜插金釵。誰相禁，偏嫌人覺，約略近香懷。臉痕銷印否，便胸前、訶子那用安排。儘挑閒、捉熱百計和諧，爲問牡丹開後，幾曾把夢雨期乖。好星月，營騰些子，只願滿銅街。

滿庭芳

月姊迎來風姨牽至。入懷膩玉濃香。半生半熟做盡小柔腸。偏是含羞宛轉。昵一霎纔解羅裳。紅鴛枕也難禁制。巧語囁鶯簧。頻年多少事。在釵鈎密箔。屐趁回廊。到而今銀漢不隔紅牆。暢好天從人欲。梅陰綠結子。何妨休再悔。盈盈十五。不得嫁王昌。

滿庭芳

倦袂拖青。頽鬟彈墨。楚人翳翠簾西。華堂博進。燭影盡迷離。誰識屏山曲背。輕屐點悄語聲低。潛攜手。巫雲濃處。人倚小唐梯。尋歡符昨夢。今宵真个。心事重稽。怕金鈴知覺。驚到中閨。比似梅花枝上。有寒雀交頸雙栖。俱立聽。簸

錢聲響琅琅雜鳴雞

青玉案

浴室潛呼近了鳥親除穩卻提畫袴手闌門問問情已
迷離心非推調做嬌身分肌滑桃笙嫩花鎖春風緊雛
鶯欲喚又愁聲忍忍忍漸褪鞋弓漸舒眉黛漸銷腮粉

賀新郎

歸棹初相見柳腰纖濶眉鬆髻橫波流眄勾引筵前和檻
曲交遞柔魂一綫已偷捉紅酥繡瓣今夜白生綃帳裏受
溫香膩玉懷中轉弛襪昵卸釵顫情深天定從人願况
憐他嬌姿出眾新妝呈面身是畫眉郎屬了軟語癡心昏
善從此算蘭房愛眷綠葉成陰看總好也椿椿付與般般

戀切莫負曉雲便

賀新郎

休訝蕭郎老。但歸來、蘭房相見，兩舒離抱。坐處惺忪行處媚，仍是當時風調。勝常語、道來都好。著意猩紅花繡履，向
蓑邊、露出雙弓小。偷捏穩，睜波笑。廿年淚、搵香羅襖。夢
中尋、茫茫天海，有誰知道。今夜銀河容易渡，私語入懷悄悄。
便綠葉成陰，偏好莫把鴛鴦驚散。事向枕函更把東風
惱，只當作、新緣巧。

南樓令

小步躡香塵。柔香顚錦茵。正魂銷、昵語頻頻。借了桃花風
雨，妬翻引入武陵春。弄假已成真。本疏情、忽親巧東君。

爲結緣因料得眼中今夕事是昨夕意中人

摸魚兒

說隔舟人兒小立似他姿態嬌嬌紅兒比著空驚喜那得
全身風度柔蓮誤何況是紅玉雪瓊百種溫柔趣深偎熱
輪在枕上懷中燈前帳角都作銷魂處肝腸淚惹起征
衫濕注恩情兩載誰訴自從嶺上梅花候數到荔枝海樹
畱不住忍口澤肩痕件件將郎付拚尋將去但月影江聲
落花細草是恁曾行路

兩同心

看鶻青裁就鳳幫羅菊花豔新添彩繡銀針急費蹙明蛾
鵲尖小悄語詢娘端正如何被他謔語由他那不知麼

爲誰裏一分瘦窄。因甚媚連夜忙多。勾郎愛一日千回手。
裏婆抄。

兩同心

昨水晶簾下看梳頭。畫眉了。代勻蓉粉。換衣罷。親插珠球。
纔嬌搵。輿人催去。殢煞蓮鉤。今朝秀髻明眸。先返蘭舟。
紗窗下。迷離儘看。文牕展。宛轉深求。惺忪甚。釵橫鬢亂。起
對郎尤。

沁園春

舫室深藏。靜漾波紋。微穿日光。映桃腮雪脰。不施瓜粉。蘭
胸玉乳。盡卸霞裳。酥若多脂。柔如無骨。百遍摩抄。素足霜
濃情。颭眞眠。莎鷗鷗戲水。鴛央。招來共醉。壺觴坐懷內。

交輸天女漿。愛烏雲斜彈。膩拋茉莉。朱唇恣齒。親送檳榔。
顫語僂呼。嬌吁低搵。出色風情。滋味嘗橫。陳處便舵樓蓬。
檻。慙縱何妨。

高陽臺

籠畔薰衣。筵前捧茗。尋常見也。生疏眼底。今朝風姿乍送。
湔裾爲郎。素頸頻回。盼盆響釧。收拾徐徐。已情輸弓襪挑。
時繡帶搓餘。昨宵逢怒。拚憐惜。把三生心事。疼熱躊躇。
一寸柔腸。何須青鳥傳書。女行叢裏。渾難制。弄眼波眉語。
纔初綠鬢梳。欲問檀郎新樣。何如。

似娘兒

良夜月爲緣。相思事休話頻年。風光細膩新嘗取。蘭芽深

淺蔗甘首尾蜜味中邊。宛轉帶人憐。因驚遠有得纏綿。
從今豔曲長箋寫。收鬢枕畔。兜鞵被底。晚釧箱邊。

荷葉杯

昨夜五更懷裏驚起。怎地女郎儔。相見偏他不轉頭。羞麼
羞。

踏莎行

鸞鳳換巢。鴛鴦占野。衾稠甘載同心者。小姑豈肯獨無郎。
文君未忍時教寡。冒險犯寒。輸憐縱冶。何須剗襪柔蓮
把。候多惟恐膩腰慵來遲。但乞春纖打。

減字木蘭花

羅巾纏換濃蟬解。寒搵熏籠。憐聽鋪銅。悔教郎來犯夜風。

繡衾奇熱深俄得貪作癡蟲急辦垂虹今夜歸雲莫近
匆

玉蘭干

六萌車挂流蘇裊迎得西洲窈窕蘆簾紙閣小藏嬌已料
理合歡床了阿侯甚怨盧家少有消息青鸞送到自來
老蚌產明珠怎宜男不種階草

金縷曲

休酌醪醕釀儘今宵恨如酒醖愁隨燈上背著娘行偷拭
淚有個人兒悽愴又制住怕教猜謗月黑江昏魂已斷奈
郎看忍著雙眉向感欲死怎禁當幾時偎語芙蓉帳最
難忘珊瑚低昵翠衾深漲解道別離情越厚珍重紅顏無

夢山先生集卷三
恙也努力望夫山望待我歸來應未遠把玉梅花底香重
放好憐取瘦腰樣

點絳脣

天水衫兒疏簾影裏秋波度教郎窺取鵲背丹鞋露久
便歸房怕起旁人妒分行去蒼苔小印認我纖弓步

點絳脣

拋了熏籠分明影過冰奩閃梅花落點半晌釵蟲颭欲
出逡巡羞損丹霞臉空斜掩佯吹鈿鈿逗出眉尖斂

鵲橋仙

一椿椿事一番番味都在釵橫鬢墮縱教防檢意兒深卻
早被月華窺破箱邊釧響枕函襪印畱出幾多證佐心

頭觸處卽銷魂再休說不會真个

鵲橋仙

花枝揉打蓮帮喚匿記取雛鶯聲巧幾時別卻舊妝臺也
學把蛾彎淡掃前褰窗外鬪茶簾下行處越添嫋嫋半
羞半喜半回身驀地把釵兒溜了

如夢令

半臂籠來嫋娜喜聽清歌唱和背燭蹴雙弓便亞檀郎肩
坐移過移過怕被旁人猜破

浪淘沙

起撥獸鑪灰綿袷斜偎隔帷遙見倚妝臺小供脂箱和粉
盞都算安排濕翠鬢雲堆不用蘭煤巧將蟬翅兩挑開

更對菱花回影笑爲著誰來

解珮令

風兒忒緊雪兒忒大恰人兒今宵都在一點蘭膏還趁照
笑鬆鴛帶獸紅銷多時相待 衾邊剩馥枕邊殘黛須記
取般般恩愛好事多磨也須索嘗些滋味更莫把昨宵人
怪

菊花新

知慙幽期論繾綣故斂雙蛾妝靦覷吹燭走佯佯扣了烏
先教人見誰知悄立拔釵兒又卻把鮫綃斜展作意月
兒來偏偏照伊嬌面

翠樓吟

問字檀箋乞詞團扇。一窩雲鬢拖翠。殢人嬌半晌在曲閣。
蘭湯秘戲餅金誰費。但背燭藏羞。隔簾傳謎。許多事。瑋瑋
釵鬆。茱麗珠碎。顚顚杜牧重來已。豈惹含胎。丁香結。帶
畫屏相遇處。算只有偷送橫波。頻搔香鬢。怨一片春光。柳
絲難繫。將人背。羅衫低搵。有汪汪淚。

唐多令

薰罷繡衾窩。深添寶鴨螺。近郎前笑。酒斜波。記得催妝詩
寫就。捧翠燭。是伊麼。一點小桃柯。含情綻幾多。逗春光
無奈他何。只好詭他團扇上。鬪粉額。印腮渦。

如泰

沃

男姪

聲有普孫啓

豐

校字

裕幹

光